



10392

琴趣外篇目錄

卷一

水龍吟 一調

八聲甘州

調

滿庭芳 一調

鳳凰臺上憶吹簫 二調

摸魚兒 一調

永遇樂 一調

過澗歇 一調

黃鸞兒 一調

消息 一調

梁州令 疊韻 一調

酒泉子 一調

歸田樂 一調

訴衷情 一調

金鳳鉤 二調

生查子 一調

行香子 一調

訴衷情 一調

木蘭花 一調

琴趣外篇目

行香子 一調

阮郎歸 一調

引駕行 一調

卷二

洞僊歌 二調

水龍吟 一調

洞僊歌 二調

行香子 一調

鹽角兒 一調

清平樂 一調

江神子 一調

望海潮 一調

夜合花 一調

下水船 一調

浣溪沙 一調


萬年歡 一調

感皇恩 一調

洞仙歌 一調

喜朝天 一調

生查子 一調



少年遊

二調

滿江紅

一調

離亭宴

一調

千秋歲

一調

迷神引

一調

滿江紅

一調

卷三

古陽關

一調

玉蝴蝶

一調

安公子

一調

惜分飛

二調

離亭宴

一調

滿庭芳

三調

尾犯

一調

尉遲杯

一調

八六子

一調

臨江仙

二調

驀山溪

四調

憶秦娥

一調

好事近

一調

阮郎歸

三調

琴趣外篇目

二

宴桃源

一調

一叢花

三調

卷四

臨江仙

二調

浣溪沙

一調

憶少年

一調

江神子

一調

虞美人

一調

金盞倒垂蓮

二調

西平樂

一調

御街行

一調

生查子

一調

青玉案

一調

水龍吟

一調

南歌子

一調

醉落魄

一調

萬年歡

一調

臨江仙

一調

虞美人

一調

安公子

一調

綠頭鴨

一調

水龍吟 一調 惜奴嬌 一調

臨江仙 二調 滿庭芳 一調

定風波 一調 千秋歲 二調

鷓鴣天 一調 清平樂 一調

卷五

虞美人 一調 浣溪沙 一調

萬年歡 一調 一叢花 一調

減字木蘭花 一調 菩薩蠻 一調

鷓鴣天 一調 鳳簫吟 一調

梁州令 一調 引駕行 一調

菩薩蠻 一調 點絳脣 一調

琴趣外篇目 三

上林春 一調 楊柳枝 一調

驀山溪 二調 生查子 一調

少年遊 一調 青玉案 一調

江城子 一調 青玉案 一調

勝勝慢 一調 點絳脣 一調

卷六

永遇樂 一調 虞美人 一調

朝天子 一調 行香子 一調

感皇恩 一調 臨江仙 一調

碧牡丹 一調 少年遊 一調

西江月 一調 鷓鴣天 一調

滿江紅 一調

菩薩蠻 一調

減字木蘭花 一調
臨江仙 二調

紫玉簫 一調
鬪百草 二調

鬪百花 三調
御街行 一調

南歌子 一調
清平樂 一調

好事近 一調
洞仙歌 一調

琴趣外篇目

四

琴趣外篇目錄 終

琴趣外篇卷一

宋 晁補之

水龍吟 別吳興至
松江作

水晶宮繞千家下
山倒影雙溪裏
白蘋洲渚詩成春
晚當年此地行徧
瑤臺弄英攜手月
嬋娟際算多情
小杜風流未覩空
腸斷枝間子
一似君恩賜與賀
家湖千峰凝翠黃
梁未熟紅旌已遠
南柯舊事常恐
重求夜闌相對也
疑非是向松陵回
首平蕪盡處人在
青山外

八聲甘州 揚州次韻和
東坡錢塘作

謂東坡未老賦歸來
天未遣公歸向西湖
兩處秋波
琴趣外篇 卷一 一

一種飛靄澄輝又擁竹
西歌吹僧老木蘭非一笑
千秋事浮世危機
應倚平山闌檻是醉翁
飲處江雨

霏霏送孤鴻相接今古
眼中稀念平生相從江
海任飄蓬不遣此心違
登臨事更何須惜吹帽
淋衣

又 歷下
立春

謂東風定是海東來
海上最春先乍微陽破
臘梅心已省柳意都還
雪後南山聳翠平野欲
生煙記得相逢日如口
上林邊莫歎春光易老
算今年春老還有明年
歎人生難得常好是朱
顏有墮軒金釵十二
為醉嬌一曲踏珠筵功
名事算如何此花下尊
前

滿庭芳 赴信日舟中別
次膺十二叔

鷗起蘋中魚驚荷底畫船上來時翠灣紅渚宛似
武陵迷更晚青山更好孤雲帶遠雨絲垂清歌裏金
尊未掩誰使動分攜 竹林高晉阮阿咸瀟散猶愧
風期便棄官終隱釣叟苔磯縱是冥鴻雲外應念我
垂翼低飛新詞好他年認取天際片帆歸

鳳凰臺上憶吹簫

自金鄉之濟至
羊山迎次席

千里相思况無百里何妨暮往朝還又正是梅初淡
芒禽未綿蠻陌上相逢緩轡風細細雲日斑斑新晴
好得意未妨行盡青山 應攜後房小妓來爲我盈
盈對舞花間便拚了松醪翠滿蜜炬紅殘誰信輕鞍
射虎清世裏曾有人間都休說簾外久春寒

琴趣外篇 卷一

二

又

才短官慵命奇人棄年年故里來還記往歲蓮塘送
我遠赴荆蠻莫道風情似舊青鏡裏綠鬢新斑佳人
怪把盞爲我微斂眉山 從來嗣宗高韻獨見賞青
雲負絕塵間漫回首平生醉語一夢驚殘莫笑移花
種柳應備辦投老同閒從枯槁松檜耐得霜寒

摸魚兒

東阜
寓居

買陂塘旋栽楊柳依稀淮岸江浦東臯嘉雨新痕漲
沙背鷺來鷗聚堪愛處最好是一川夜月光流渚無
人獨舞任翠幄張天柔茵藉地酒盡未能去 青綾
被莫憶金閨故步儒冠曾把身誤弓刀千騎成何事

荒了邵平瓜圃君試戲滿青鏡星星鬢影今如許功名浪語便似得班超封侯萬里歸計恐遲暮

永遇樂

松菊堂深芰荷池小長夏清暑燕引雛還鳩呼婦在人靜郊原趣麥天已過薄衣輕扇試起繞園徐步聽衡宇欣欣童稚共說夜來初雨蒼苔徑裏紫葳枝上數點幽花垂露東里催鋤西隣助餉相戒清晨去斜川歸興翛然滿目回首帝鄉何處只愁恐輕鞭犯夜霸陵舊路

過澗歇

歸去奈故人尙作青眼相期未許明時歸去放懷處

琴趣外篇 卷一

三

買得東臯數畝靜愛園林趣任過客剝啄相呼書局戶堪笑兒童事業華顛向誰語草堂人憎圓荷過微雨都付邯鄲一枕清風好夢初覺砌下槐影方停午

黃鶯兒

南園佳致偏宜暑兩兩三三脩篁新筍出初齊倚倚過簷侵戶聽亂颭芰荷風細灑梧桐雨午餘簾影參差遠林蟬聲幽夢殘處凝竚旣往盡成空暫遇何會任算人間事豈足追思依依夢中情緒觀數點茗浮花一縷香縈炷怪來人道陶潛做得羲皇侶

消息

自過腔卽越調
永遇樂 端午

紅日葵開映牆遮。牖小齋。端午杯展荷金簪。抽筍玉
幽事。還數綠窗纖手。朱匳輕縷。爭鬪絲絲。艾虎想沈
江。怨魄歸來空惆悵。對菰黍。朱顏老去清風好在。
未減佳辰歡聚。趣蠟酒深斟。菖菹細糝。圍坐從兒女。
還同子美江村。長夏閒對燕飛鷗舞。算何須楚王雄
風。方消畏暑。

梁州令

田野閒來慣睡起。初驚曉燕樵青走。挂小簾鉤。南園
昨夜。細雨紅芳徧。平蕪一帶煙花淺。過盡南歸雁。
俱遠。凭闌送目空腸斷。好景難常占。過眼韶華如
箭。莫教鷓鴣送韶華。多情楊柳。爲把長條絆。清尊

琴趣外篇 卷一

四

滿酌誰爲伴。花下提壺勸。何妨醉臥花底。愁容不上
春風面。

酒泉子

萱草戎葵。松菊堂深。猶畏暑晚雲催雨。靄簾櫳。滿樓
風。池蓮翻倒小蓮紅。看掃鑑。天清似水。一輪明月
卻當空。畫闌中。

歸田樂

春又去。似別佳人。幽恨積。閒庭院。翠陰滿。添書寂。一
枝梅最好。至今憶。正夢斷。爐煙裊。參差疎簾隔。爲
何事。年年春恨。問花應會得。

訴衷情

送春

東城南陌路歧斜芳草徧藏遮黃鸝自是來晚莫恨
海棠花 驚雪絮滿天涯送春除問春莫是憶著東
君自去還家

金鳳鈎

送春

春亂我向何處怪草草夜來風雨一簪華髮少歡饒
恨無計殢春且住 春回常恨尋無路試向我小園
徐步一闌紅藥倚風含露春自去會歸去

又

雪晴閒步花畔試屈指早春將半櫻桃枝上最先到
卻恨小梅芳淺 忽驚拂水雙來燕暗自憶故人猶
遠一分風雨占春愁一來又對花腸斷

琴趣外篇 卷一

五

生查子

夏日
卽事

永日向人研百合忘幽草午枕夢初回遠柳蟬聲杳
蘚井出冰泉洗滄煩襟了卻挂小簾鉤一縷爐煙
裊

行香子

前歲栽桃今歲成蹊更黃鸝久住相知微行清露細
履斜暉對林中侶閒中我醉中誰 何妨到老常閒
常醉任功名生事俱非衰顏難強拙語多遲但酒同
行月同坐影同歸

訴衷情

小園過午便覺涼生翠柏戎葵聞出牆紅萱草靜依

徑綠還是去年浮瓜沈李追涼故繞池邊竹小筵促
忽憶楊梅正熟下山南畔晝舸笙歌逐愁凝目使
君彩筆佳人錦斷絃怎續盡日闌干曲

木蘭花

遐觀樓

小樓新翫堪臨遠一帶寒山都入眼人間應未覺春
歸樓上已先變柳眼 風威自與微陽戰雪意不知
殘臘換少須文棟燕雙回來看東城花一片

行香子

歸鳥翩翩樓上黃昏黯天氣殘照餘痕曲闌干裏有
個愁人向不言中千載事一年春 春來似客春歸
如雲付樓前行路雙輪傾江變酒舉斛爲尊斷浮生
外愁千丈不關身

阮郎歸

小樓獨上暮鐘時紅霞樓外飛煙中遠鳥一雙歸城
門燈火微 橫短吹傍危梯冰輪湧海遲天涯幽恨
有誰知涼風時動衣

引駕行

梅梢瓊綻東君次第開桃李痛年年好風景無事對
花垂淚 園裏舊賞處幽葩柔條一一動芳意恨心
事春來間阻憶年時把羅袂雅戲

琴趣外篇卷一

終

琴趣外篇卷二

洞僊歌

留春

花恨月惱更夏有涼風冬軒雪皎閒事不關心算四
時皆好從來又說春臺登覽人意多同常是惜春過
了須痛飲莫放歡情草草年少 尙憶瑤階得雋尋
芳驂驛東坡適見垂鞭酩酊南陌又逢低帽鶯花蕩
眼功名滿意無限嬉游榮華事如夢杳傷富貴浮雲
會縈懷抱爲春醉倒願花更好春休老開口笑占醉
鄉莫教人到

又填盧

全詩

當時我醉美人顏色如此堪悅今日美人去恨天涯

琴趣外篇

卷二

一

離別青樓朱箔嬋娟蟾桂三五初圓傷二八還又缺
空竚立一望不見心絕心絕 頓成淒涼千里音塵
一夢歡娛推枕驚巫山遠洒淚對湘江闊美人不見
愁人看花心亂含愁奏綠綺絃清切何處有知音此
恨難說怨歌未闕恐暮雨收行雲歇窗梅發乍似覩
芳容冰潔

水龍吟

次韻林聖子惜春

問春何苦匆匆帶風伴雨如馳驟幽葩細萼小園低
檻壅培未就吹盡繁紅占春長久不如垂柳算春常
不老人愁春老愁只是人間有 春恨十常八九忍
輕辜芳醪經口那知自是桃花結子不因春瘦世上

功名老來風味春歸時候縱尊前痛飲狂歌似舊情
難依舊

洞僊歌 溫園賞
海棠

羣芳老盡海棠花時候雨過寒輕好清晝最妖饒一
段全是初開雲鬢小塗粉施朱未就全開還自好
駘蕩春餘百樣宮羅鬪繁縷縱無語也心應恨我來
遲恰柳絮將春歸後醉猶倚柔柯怯黃昏這一點愁
須共花同瘦

又梅

年年青眼爲江梅腸斷一句新詩思無限向碧瓊枝
上白玉葩中春猶淺一點龍香清遠誰拋傾國豔

琴趣外篇 卷二 二

昨夜前村都恐東皇未曾見正倚牆紅杏芳意濃時
驚千片何許飄零仙館待冰雪叢中看奇姿乍一笑
能回上林冬暖

行香子 梅

雪裏清香月下疎枝更無花比竝瓊姿一年一見千
繞千回向未開時愁花放恐花飛芳尊移就幽葩
折取似玉人攜手同歸揚州應記東閣逢時恨劉郎
誤題詩句怨桃蹊

鹽角兒 亳社
觀梅

開時似雪謝時似雪花中奇絕香非在藥香非在萼
骨中香徹占溪風留溪月堪羞損山桃如血直饒

更疎疎淡淡終有一般情別

清平樂

對晚菊作

黃花過也月酒何曾把寒蝶多情愛瀟酒晴日雙雙
飛下沈吟獨倚朱闌采芳貽向邊枕上醉排金靨
幽香付與誰憐

江神子

亳社觀梅呈范守秦令

去年初見早梅芳一春忙短紅牆馬上不禁花惱只
顛狂蘇晉長齋猶好事時喚我舉離觴今年春事
更茫茫淺宮妝斷人腸一點多情天賜骨中香賴有
飛鳧賢令尹同我過小橫塘

望海潮

揚州芍藥會作

琴趣外篇 卷二

三

人間花老天涯春去揚州別是風光紅藥萬株佳名
千種天然浩態狂香尊貴御衣黃未便教西洛獨占
花王困倚東風漢宮誰敢鬪新妝年年高會江陽
看家誇絕豔人詭奇芳結藥當屏聯葩就幄紅遮綠
繞華堂花面暎交相更秉藺觀洵幽意難忘罷酒風
亭夢魂驚恐在仙鄉

夜合花

和李浩季良牡丹

百紫千紅占春多少共推絕世花王西都萬家俱好
不爲姚黃漫腸斷巫陽對沈香亭北新妝記清平調
詞成進了一夢仙鄉天葩秀出無雙倚朝暉半如
酣酒成狂無言自有檀心一點偷芳念往事情傷又

新豔會說滁陽縱歸來晚君王殿後別是風光

下水船

和季良
瓊花

百紫千紅翠唯瓊花特異便是當年唐昌觀中玉
葉尙記得月裏仙人求賞明日喧傳都市甚時又
分與揚州本一朵冰姿難比曾向無雙亭邊半酣獨
倚似夢覺曉出瑤臺十里猶憶飛瓊標致

浣溪沙

櫻
桃

雨過園亭綠暗時櫻桃紅顆壓枝低綠兼紅好眼中
迷荔子天教生處遠風流一種阿誰知最紅深處
有黃鸝

萬年歡

琴趣外篇 卷二

四

春憶心歸似佳人未來香徑無迹雪裏江梅因甚早
知消息百卉芳心正寂夜不寐幽姿脈脈圖清曉先
作宮妝似防人見偷得真香媚情動魄算當時壽
陽無此標格應寄揚州何郎舊曾相識花似何郎鬢
白恐花笑逢花羞摘那堪羌管驚心也隨繁杏拋擲

感皇恩

海
棠

常歲海棠時偷閒須到多病尋芳嬾春老偶來恰直
半謝妖嬈猶好便呼詩酒伴同傾倒繁枝高蔭疎
枝低繞花底杯盤花影照多情一片恨我歸來不早
斷腸鋪碎錦門前道

洞仙歌

菊

今春潤好怪重陽菊早滿檻煌煌看霜曉喚金錢翠
雨不稱標容瀟灑酒意陶潛詩中能道 不應誇絕艷
會妒春華因甚東君意不到又以鎖三千漢女偏教
明妃怨西風邊草也何必牛山苦霑衣算只好龍山
醉狂吹帽

喜朝天

秦宅海棠作

眾芳殘海棠正輕盈綠鬢朱顏碎錦繁繡更柔柯映
碧纖搗勻殷誰與將紅間白采薰籠仙衣覆斑爛如
有意濃妝淡抹斜倚闌干 妖嬈向晚春後慣困欷
晴景愁怕朝寒縱有狂雨便離披損不奈幽閒素來
禽總俗漫遮映終羞格疎頑誰采顧斜風教舞月下

琴趣外篇 卷二

五

庭間

生查子 梅

青帝晚來風偏傍梅梢緊未放玉肌開已覺龍香噴
此意比佳人爭奈非朱粉惟有許飛瓊風味依稀
近

少年遊

次季良韻

廬山落草四時春煙鎖上宮門記得南遊偶尋飛澗
一洗庾公塵 香爐高詠君家事文彩近前人他日
騎驢尙憐迷路與問眾仙真

又

如今田野漫拋春紅雨掩衡門懶讀詩書欠伸扶杖

几案任生塵 從教便向東山老誰知是箇中人莫
怪年來倦尋城市嫌我性情真

滿江紅

次韻弔汝陽
李誠之待制

華鬢春風長歌罷傷今感昨春正好瑤墀已歎侍臣
冥寞牙帳塵昏餘劍戟翠帷月冷虛絃索記往歲龍
坂誤會登今飄泊 賢人命從來薄流水意知誰託
繞南枝身似未眠飛鵲射虎山邊尋舊迹騎駉海上
追前約便與世江湖永相忘還堪樂

離亭宴

次韻弔豫
章黃魯直

丹府黃香堪笑章臺墜鞭年少細雨春風花落處醉
裏中人傳詔卻上五湖船悲歌楚狂同調 青草荆

琴趣外篇

卷二

六

江波渺香爐紫霄簪小人去江山長依舊幼婦空傳
辭妙灑淚作招魂楓林子規啼曉

千秋歲

次韻弔高
郵秦少游

江頭苑外常記同朝退飛騎軋鳴珂碎齊謳雲繞扇
趙舞風回帶嚴鼓斷杯盤藉草猶相對 灑涕誰能
會醉藤陰蓋人已去詞空在兔園高宴悄虎觀英游
改重感慨驚濤自卷珠沈海

迷神引

弔玉溪對
江山作

黯黯青山紅日暮浩浩大江東注餘霞散綺回向煙
波路使人愁長安遠在何處幾點漁燈小迷近塢一
片客帆低傍前浦 暗想平生自悔儒冠誤覺阮途

窮歸心阻斷魂素月一千里傷平楚怪竹枝歌聲聲
怨爲誰苦猿鳥一時啼驚島嶼燭暗不成眠聽津鼓

滿江紅

起玉山之謫與諸父泛舟大澤分題爲別

莫話南征船頭轉三千餘里未歎此浮生飄蕩但傷
佳會滿眼青山芳草外半篙碧水斜陽裏問此中何
處芰荷深漁人指 清時事羈遊意盡付與狂歌醉
有多才南阮自爲知己不似朱公江海去未成陶令
田園計便楚鄉風景勝吾鄉何人對

琴趣外篇 卷二

琴趣外篇卷二 終

琴趣外篇卷二

古陽關

寄無斁八弟宰寶應

草草蛩吟噎暗柳螢飛滅空庭雨過西風緊飄黃葉
卷書帷寂靜對此傷離別重感歎中秋數日又圓月
沙觜檣竿上淮水闊有飛鳧客詞珠玉氣冰雪且
莫教皓月照影驚華髮問幾時清尊夜景共佳節

玉蝴蝶

暗憶少年豪氣爛南國蓬島風光醉倚吳王宮殿不
解悲涼舞猶慵小腰似柳歌尙怯嬌語如簧好林塘
玳筵留住彩舫攜將清狂揚州一夢中山千日名
利都忘細數從前眼中歡事盡成傷去船迷亂花流
琴趣外篇 卷二

水遺佩悄寒草空江黯愁腸暮雲吟斷青鬢成霜

安公子

送進道四弟赴官無爲

柳老荷花盡夜來霜落平湖淨征雁橫天鷗舞亂魚
游清鏡又還當是年我向江南興移畫船深渚蒹葭
暎對半篙碧水滿眼青山魂凝一番傷華鬢放歌
狂飲猶堪逞水驛孤帆明夜此歡重事省夢回處詩
塘春草愁難整宦情與歸期終朝競記他年相訪認
取斜川三徑

惜分飛

別吳

山水光中元無暑是我消魂別處只有多情雨會人
深意留人住不見梅花來已暮未見荷花又去圖

畫他年覩斷腸千古茗溪路

又別

消暑樓前雙溪匝畫柱水晶宮裏人共荷花麗更無
一點塵埃氣 不會使君忿忿至又作忿忿去計誰
解連紅袂大家都把蘭舟繫

離亭宴

憶吳興寄金陵懷古聲中

憶向吳興假守雙溪四垂高柳儀鳳橋邊蘭舟過暎
水雕甍華牖燭下小紅妝爭看使君歸後 攜手松
亭難又題詩水軒依舊多少綠荷相倚恨背立西風
回首悵望採蓮人煙波萬重吳岫

滿庭芳

憶廬山

琴趣外篇 卷三

二

欲買廬山山前三畝小橋橫過松間變名吳市誰認
舊容顏最好棲賢峽外應自此都隔塵寰人稀到壺
中化國光景更堪閒 無心求至道柴門閉了飽睡
甘飡幸兒成孫長爲掃家山若問他年歸去驀地也
雙槳來還愁難捨清風萬壑高處正躋攀

又

次韻答季良

閒說秋來乘槎心閒懶夢回三島波間便思黃帽同
我老山顏上界仙人官府何似我蕭散塵寰雲無止
流泉自急此意本來閒 寂寥松桂圃陪君好語亦
可忘飡沉瓊枝玉蕊秀滿春山若問幽棲何意莫道
是飛鳥知還無言處孫登半嶺高韻更難攀

又用東坡韻題
白畫蓮社圖

歸去來兮名山何處夢中廬阜嵯峨二林深處幽土
往來多自畫遠公蓮社教兒誦李白長歌如重到丹
崖翠戶瓊草秀金坡 生綃雙幅上諸賢巾屨文彩
天梭社中客禪心古井無波我似淵明逃社怡顏盼
百尺庭柯牛閒放溪童任懶吾已廢鞭蓑

尾犯

廬山
名碧芙蓉

廬山小隱漸年來疎懶浸濃歸興綵橋飛過深溪池
底奔雷餘韻香爐照日望處與青霄近想羣仙呼我
應還怪曉來鬢絲垂鏡 海上雲車回輶少姑傳金
母信森翠裾瓊佩落日初霞紛紜相暎誰見湖中景

琴趣外篇 卷二

三

花洞裏杳然漁艇別是個蕭洒乾坤世情塵土休問

尉遲杯

亭社作
惜花

去年時正愁絕過卻紅杏飛沈吟杏子青時追悔負
好花枝今年又春到傍小闌日日數花期花有信人
卻無憑故教芳意遲遲 及至待得融怡未攀條拈
藥又歎春歸怎得春如天不老更教花與月相隨都
將命拚與酬花似峴山落日客猶迷儘歸路拍手攔
街笑人沈醉如泥

八六子

重九卽事呈徐
倅祖禹十六叔

喜秋晴淡雲縈縷天高羣雁南征正露冷初減蘭紅
風緊潛彫柳翠愁人漏長夢驚 重陽景物淒清漸

老何時無事當歌好在多情暗自想朱顏並遊同醉
官名韞鎖世路蓬萍難相見賴有黃花滿把從教綠
酒深傾醉休醒醒來舊愁旋生

臨江僊

呈祖禹
十六叔

盡說彭門新半郊昆吾割玉如泥功名餘事不須爲
才情詩裏見風味酒邊知好在阿咸同老也青雲
往歲心期千鍾百首與來時伯倫從婦勸元亮信兒
癡

又

十歲兒曹同硯席華裙織翠如葱一生心事醉吟中
相逢俱白首無語對西風莫道尊前情調減衰顏

琴趣外篇

卷三

四

得酒能紅可憐此會意無窮夜闌人總睡獨繞菊花
叢

驀山溪

譙園飲酒
爲守令作

譙園幽古煙鎖前朝檜搖落棗紅時滿園空幾株蒼
翠史君才譽金殿握蘭人將風調改荒涼便是嬉遊
地劉郎莫問去後桃花事司馬更堪憐掩金觴琵琶
催淚愁來不醉不醉奈愁何汝南周東陽沈勸我
如何醉

又

金尊玉酒佳味名仙檜恐是九龍泉堪一飲霜毛卻
翠何須說此只但飲陶陶燈光底百花春自是仙家

地 星郎早貴慣見風流事留我不須歸倒尊空燭
堆紅淚飛鳧令尹才調更翩翩休弔古枉傷神有與
來同醉

又亭社寄文
潛舍人

蘆臺仙史好在多情否不寄一行書過西風飛鴻去
後功名心事千載與君同只在飲只狂吟綠鬢殊非
舊 山歌村館愁醉潯陽叟且借兩州春看一曲尊
前舞袖古來畢竟何處是功名不同飲不同吟也勸
時開口

又和王定國朝
散憶廣陵

揚州全盛往事今何處帆錦雨明珠罨薔薇月中嬉

琴趣外篇 卷三

五

語朱衣白面分公子似神仙登雲嶼臨煙渚狂醉成
懷古 蘭舟歸後誰與春爲主吟笑我重來倚瓊花
東風日暮胡霜點鬢流落共天涯竹西路高陽侶魂
夢應相遇

憶秦娥和留守趙
無媿送別

牽人意高堂照碧臨煙水清秋至東山時伴謝公攜
妓 黃菊雖殘堪泛蟻乍寒猶有重陽味應相記坐
中少個孟嘉狂醉

好事近南都寄
歷下人

絲篴鬧南湖湖上醉遊時晚獨看小橋官柳淚無言
偷滴 坐中誰唱解愁詞紅妝勸金盞物是奈人非

正是負東風心眼

阮郎歸

同十二叔泛濟州環溪

西城北渚舊追隨
荒臺今是非
白蘋無主綠蒲迷
停舟憶舊時
雙鴨戲亂鷗
飛人家煙雨西
不成攜手折芳菲
蘭橈惆悵歸

又

一濠秋水靜漣漪
紅妝照水嬉
攀條尋藕怯船移
浮萍涇繡衣
臨好景惜輕歸
夕陽洲渚迷
城門燈火簇輪蹄
沙鷗飛去時

又

兒童嬉戲杏花隄
春歸不解悲
重來草露溼人衣
無

琴趣外篇 卷三

六

花空鏡枝
曾學道
久忘機
一尊甘若飴
平生魚鳥與同歸
臨風心自知

宴桃源

往歲真源謫去
紅淚揚州留住
飲罷一帆東去
入楚江寒
雨無緒
無緒今夜秦淮泊處

一叢花

謝濟侔宗室令剡送酒

王孫眉宇鳳凰雛
天與世情疎
揚州坐上瓊花底
佩錦囊
曾憶奚奴
金盞醉揮滿身花影
紅袖競來扶
十年一夢訪林居
離袂重踟躕
應憐肺病臨邛客
寄洞庭春色雙壺
天氣未佳梅花正好
曾醉燕堂無

又

十二叔節推以无咎生日於此聲中爲辭依韻和答

碧山無意解銀魚花底且攜壺華顛又喜熊羆且笑
騏驎老反爲駒文史漸拖功名更懶隨處覓真如
高情敢並漢庭疎長楫去田廬囊無上賜金堪散也
未妨山蠻溪漁廉頗縱強莫隨年少白馬向黃榆

又再呈十
二叔

飛鳧仙令氣如虹脫屣向塵籠凌煙畫象雲臺議似
眼前百草春風盞裏聖賢壺中天地高興更誰同
應懷得雋大明宮無事老馮公玉山且向花間倒在
笑從老入花叢三徑步餘一枝眠穩心事付千鍾

琴趣外篇 卷三

七

琴趣外篇卷四

臨江僊

用韻和韓求仁南都留別

曾唱牡丹留客飲明年何處相逢
忽驚鵲起落梧桐
綠荷多少恨回首背西風
莫歎今宵身是客一尊
未曉猶同此身應似去來鴻
江湖春水闊歸夢故園中

又前

常記河陽花縣裏恰如飯顆山逢春城何處滿絲桐
綸巾并羽扇君有古人風
重向梁王臺畔見黃花
綠酒誰同新詩別後寄南鴻
回頭思照碧人在白雲中

琴趣外篇 卷四

一

浣溪沙

廣陵被召留別

悵飲都門春浪驚東飛身與白鷗輕
淮山一點眼初明
誰使夢回蘭芷國
卻將春去鳳凰城
檣烏風轉不勝情

憶少年

別歷下

無窮官柳無情畫舸無根行客南山尙相送
只高城人隔
罨畫園林溪溪紺碧
算重來盡成陳迹
劉郎鬢如此況桃花顏色

江神子

廣陵送王左丞赴闕

舊山鉛槧倦棲遲
叩宸闈
向淮圻
五馬行春初喜後
車隨太守風流容客醉花壓帽酒淋衣
隋宮煙外

草萋萋菊花時動旌旗起舞留公且住慰相思王粲
詩成何處寄人北去雁南飛

虞美人

廣陵留別

江南載酒平生事游宦如萍寄蓬山歸路傍銀臺還
是揚州一夢卻驚回 年年后土春來早不負金尊
倒明年珠履賞春時應寄瓊花一朶慰相思

金盞倒垂蓮

依韻和次膺寄楊仲謀觀察

諸阮英游盡干鍾飲量百丈詞源對舞春風蝶髻小
雙蓮念兩處登高臨遠又傷芳物新年此淚不待桓
伊危柱哀絃 身閒未應無事趁栽梅徑裏插柳池
邊野鶴飄飄颿幽巖在青田也莫話書生豪氣更銘功
業燕然畢竟得意何如月下花前

琴趣外篇

卷四

二

又

次韻寄霸師揚仲謀安撫

休說將軍解彎弓掠地崑嶺河源綵筆題詩綠水映
紅蓮算總是風流餘事會須行樂只有一部隨軒脆
管繁絃 多情舊遊尙憶寄秋風萬里鴻雁天邊未
學元龍豪氣笑求田也莫爲庭槐興歎便傷搖落淒
然後會一笑猶堪醉倒花前

西平樂

廣陵送王資政正仲赴闕

鳳詔傳來絳闕當空思賢輔淮海甘棠惠化霖兩商
巖吉夢熊虎周郊舊卜千秋盛際催促朝天歸去動
離緒 空眷戀難暫住新植雙亭臨水風月佳名未

觀準擬金尊時舉況樂府風流一部妍歌妙舞縈雲
回雪親教與恨難訴爭欲攀轅借住功成績袞重與
江山作主

御街行

待命護國院不
得入國門寄內

年年不放春閒了今歲銜杯少來時柳上淺金黃歸
路玉綿吹帽惜春長似五陵狂俊不道朱顏老斜
煙薄雨青林杳猶有鶯聲到西園紅豔綠盤龍辜負
一年春好錦城樂事不關愁眼何似還家早

生查子

感舊

宮裏妒娥眉十載辭君去翠袖怯天寒修竹無人處
今日近君家望極香車驚一水是紅牆有恨無由

琴趣外篇

卷四

三

語

青玉案

十年不向東門道信匹馬羞重到玉府驂鸞猶年少
宮花頭上御爐煙底常日朝回早霞觴翻手羣僊
笑恨塵土人間易春老白髮愁占形庭杳紅牆天阻
碧濠煙鎖細雨迷芳草

水龍吟

始去齊路逢次
膺叔感別敘舊

去年暑雨鉤盤夜關睡起同征轡今年芳草齊河古
岸扁舟同艤萍梗孤蹤夢魂浮世別離常是念當時
綠鬢狂歌痛飲今憔悴東風裏此去濟南爲說道
愁腸不醒猶醉多情北渚兩行煙柳一湖春水還唱

新聲後人重到應悲桃李待歸時攬取庭前皓月也
應堪寄

南歌子

誰園作

霜細猶欺柳風柔已弄梅東園槌鼓賞新醅喚取舞
裙歌扇探春回 妙舞堪千盞長歌可百杯笑人將
恨上春臺勸我十分一舉兩眉開

醉落魄

用韻和李季良泊山口

高鴻遠鶩溪山一帶人煙簇知君船近漁磯宿輕素
橫溪天淡挂寒玉 誰家紅袖闌干曲南陵風輭波
平綠幽吟無伴芳尊獨清瘦休文一夜傷單縠

萬年歡

次韻和季良

琴趣外篇

卷四

四

憶昔論心盡青雲少年燕趙豪俊二十南游會上會
稽千仞振袂江中往歲有騷人蘭蓀遺韻嗟管鮑當
日貧交半成翻手難信 君如未遇元禮肯抽身盛
時尋我幽隱此事談何容易驥才方聘綵舫紅妝圍
定笑西風黃花班鬢君欲問投老生涯醉鄉歧路偏
近

臨江僊

信州作

謫宦江城無屋買殘僧野寺相依松間藥臼竹間衣
水窮行到處雲起坐看時 一箇幽禽綠底事苦來
醉耳邊啼月斜西院愈聲悲青山無限好猶道不如
歸

虞美人

羊山餞杜侍郎郡君十二姑及外弟天達

原桑飛盡霜空杳，霜夜愁難曉。油燈野店怯黃昏，窮途不減酒杯深，故人心。羊山故道行人少，也送行人老。一般別語重千金，明年過我小園林，話如今。

安公子

和次膺叔

少日狂遊好，闌苑花間同低帽。不恨千金輕散，盡恨花殘鶯老。命小轡翩翩隨處，金尊倒，從市人拍手。欄街笑，鎮瓊樓歸臥，麗日三竿未覺。迷路桃源了，亂山沈水，何由到撥斷。朱絃成底事，痛知音人，悄似近日。曾教青鳥傳佳耗，學鳳簫，擬入煙蘿道。問劉郎何計，解使紅顏卻少。

琴趣外篇 卷四

五

綠頭鴨

韓師樸相公會上觀佳妓輕盈彈琵琶

新秋近，晉公別館開筵喜。清時銜杯樂聖，未饒綠野堂邊。繡屏深麗，人乍出坐中雷。雨起鷓鴣絃，花暖間關水。凝幽咽，寶釵搖動墜金鈿。未彈了，昭君遺怨，四坐已淒然。西風裏，香街駐馬，嬉笑微傳。算從來司空慣，斷腸初對雲鬢。夜將闌，井梧下，葉砌蛩收響。悄林蟬，賴得多愁，潯陽司馬。當時不在綺筵前，競歎賞檀槽倚困，沈醉倒觥船。芳春調，紅英翠萼，重變新妍。

水龍吟

寄留守無愧丈

滿湖高柳搖風，坐看驟雨來湖面。跳珠濺玉，圓荷翻倒，輕鷗驚散。堂上涼生，檻前暑退，羅裾淩亂。想東山

謝守綸巾羽扇高歌下青天半 應記狂吟司馬去
年時黃花高宴竹枝苦怨琵琶多淚新年鬢換常恐
歸時眼中物是日邊人遠望隋河一帶傷心霧靄遣
離魂斷

惜奴嬌

歌闕瓊筵暗失金貂似說衷腸丁寤囑付棹舉帆開
黯行色秋將暮欲去待卻回高城已暮 漁火煙村
但觸目傷離緒此情向阿誰分訴那裏思量爭知我
思量苦最苦睡不著西風夜雨

臨江僊

身外閒愁空滿眼就中歡事常稀明年應赴送君詩

琴趣外篇 卷四

六

試從今夜數相會幾多時 淺酒欲邀誰共勸深情
惟有君知東溪春近好同歸柳垂江上影梅謝雪中
枝

又

自古齊山重九勝登臨夢想依依偶來恰值菊花時
難逢開口笑須插滿頭歸 昨夜一江風色好平明
秋浦帆飛可憐如赴史君期且當酬令節不用歎斜
暉

滿庭芳

鄉物牽情家山回首浩然歸興難收報恩心事投老
拚悠悠卻笑當年牛下輕自許激烈寒謳成何事夷

猶桂楫蘭芷詠芳洲 人生萍梗迹誰非樂土何處
吾州算不須臨歧懍懍遲留要看香爐瀑布丹楓亂
江色凝秋真堪與瀟湘暮雨圖上畫扁舟

定風波

跨鶴揚州一夢回東風拂面上平臺閨苑花前狂覆
酒拍手東風騎鳳卻教來 謫好伯陽丹井畔官滿
平臺還見片帆開上界雖然官府好總道散仙無事
好追陪

千秋歲

玉京仙侶同受瓊函結風雨隔塵埃絕霞觴翻手破
閨苑花前別鵬翼斂人間泛梗無由歇 豈憶山中
酒還共溪邊月愁悶火時間滅何妨心似水莫遣頭
如雪春近也江南雁識歸時節

又

葉舟容易行盡江南地南雁斷無書至憐君羈旅處
見我飄蓬際如夢寐當年閨苑曾相對 休說深心
事但付狂歌醉那更話孤帆起水精溪繞戶雲母山
相砌君莫去只堪伴我溪山裏

鷓鴣天

欲上南湖綵舫嬉還思北渚與嵐猗圓荷蓋水垂楊
岸鷓鴣鴛鴦總下時 持此意遣誰知清波還照鬢
間絲西樓重唱池塘好應有紅妝斂翠眉

清平樂

炎天畏景午漏那堪永何苦相仍愁簿領短壑清溪
牽輿 瑤臺月下曾逢何由卻覩冰容一笑爲驅煩
暑故人元是清風

琴趣外篇 卷四

八

琴趣外篇卷五

虞美人

用韻答
秦令

荒城又見重陽到，狂醉還吹帽。人生開口笑難逢，何況良辰一半別離中。平臺珠履登高處，猶自懷人否。且簪黃菊滿頭歸，惟有此花風韻似年時。

浣溪沙

江上秋風高怒號，江聲不斷雁嗷嗷。別魂迢遞爲君銷。一夜不眠孤客耳，耳邊愁聽雨蕭蕭。碧紗窗外有芭蕉。

萬年歡

寄韻次
膺叔

十里環溪記當年，並遊依舊風景。綵舫紅妝重泛九

琴趣外篇 卷五

十

秋清鏡，莫歎歌臺蔓草。喜相逢，歡情猶勝蘋洲畔。橫玉驚鸞，半天雲正愁凝。中秋醉魂未醒，又佳辰授

衣良會，堪更蚤。歲功名豪氣，尙凌汝穎，能致黃金一井也。莫負鴟夷高興，別有箇瀟酒田園，醉鄉天地同永。

一叢花

東君密意，在花心飛雪，戲妝林多情。定怪春來晚，故奇花千點，深深煙柳上。輕風絲漫，裊樓閣晚還陰。雕梁雙燕，悄來音簾幕，鎮沈沈。西城未有花，堪採醉狂興，冷落難禁。應約萬紅商量，細細留向未開尋。

減字木蘭花

和求仁南
郡都別

萍蓬行路來不多時還遣去會有重來還把清尊此
地開 隋河楊柳見我五年三執手紅淚多情待得
重來走馬迎

菩薩蠻

玉京不許塵容到疎慵只合疎慵老鷗鳥共煙波田
夫與醉歌 忘懷無物我莫似陳驚坐勲業付長閒
西山爽氣間

鷓鴣天

杜四侍郎郡君
十二姑生日

吉夢靈虵朱夏宜佳辰阿母會瑤池竹風荷雨來消
暑玉李冰瓜可療飢 心悟了道成時不勞龍女聘
威儀曾祇世界供遊戲賢懿光陰比壽期

琴趣外篇 卷五

二

鳳簫吟

永嘉郡
君生日

曉瞳隴風和雨細南園次第春融嶺梅猶妒雪露桃
雲杏已綻碧呈紅一年春正好助人狂飛燕遊蜂更
吉夢良辰對花忍負金鍾 香濃博山沈水小樓清
旦佳氣葱葱舊遊應未改武陵花似錦笑語相逢藥
宮傳妙訣小金丹同換冰容況共有芝田舊約歸去
雙峰

梁州令

二月春猶淺去年櫻桃開徧今年春色怪遲遲紅梅
常早未露臙脂臉 東君遣春來緩似會人深願蟠
桃新鑲雙蓋相期似此春長遠

引駕行 亦名長春

春雲輕鎖春風乍扇園林曉掃華堂正桃李芳時誕
辰還到年少記絳蠟光搖金猊香郁寶妝了驟駿馬
天街向晚喜同車詠窈窕多少盧家壺範杜曲家
聲榮耀慶孟光齊眉馬唐白首鎮同歡笑縹緲待瓊
函深討芝田高隱去借老自別有壺中永日比人間
好

菩薩蠻

百花含蘊東風裏南園小雨朱扉啟春色一年年年
年花共妍清談招隱去莫認如賓處華髮好風光
林間此味長

琴趣外篇 卷五

點絳脣

回雁風微養花濃淡天容好似春知道吉夢佳人到
共樂春臺攜手蓬萊小同傾禱願春不老歲歲尋
芳草

上林春

韓相生日

天惜中秋三夜淡雲占得今宵明月孟陬歲好金風
氣爽清時挺生賢哲相門出相算鍾慶自應累葉乍
歸來暫燕處共仰赤松高轍想人生會須自悅浮
雲事笑裏尊前休說舊有袞衣公歸未晚千歲盛明
時節命圭相印看重賞晉公勳業濟生靈共富貴海
深天闊

楊柳枝

素色清薰出俗華
臘前花軒前愛日掃雲遮
幾枝斜
月淡紗窗香暗透
白於沙
幽人獨酌對芳葩
與無涯

驀山溪

鳳凰山下東畔青苔院
記得當初個與玉人幽歡小
宴黃昏風雨人散不歸家
簾旌捲燈火鷓鴣擁嬌羞
面別來憔悴偏我愁
無限歌酒情都減也不獨朱
顏改變如今桃李湖上泛舟時
青天晚青山遠願見無由見

又

琴趣外篇

卷五

四

自來相識比爾情都可咫尺千里算惟孤枕單衾知
我終朝盡日無緒亦無言我心裏忡忡也一點全無
那香牋小字寫了千千個我恨無羽翼空寂寞青
苔院鎖昨朝冤我卻道不如休天天天不會麼因甚
須冤我

生查子

夜飲別佳人梅小猶飄雪
忍淚一春愁過卻花時節
相見話相思重與臨風月
休似那回時無事還輕別

少年遊

當年攜手是處成雙
無人不羨自閒阻五年也一夢

擁嬌嬌粉面 柳眉輕掃杏腮微拂依前雙靨盛睡
裏起來尋覓卻眼前不見

青玉案

三年宋玉牆東畔怪相見常低面一曲文君芳心亂
忽忽依舊吹散月淡梨花館 秋娘苦妒浮金盞漏
些子堪猜是嬌盼歸去相思腸應斷五更無寐一懷
好事依舊藍橋遠

江城子

贈次膺叔
家娉娉

娉娉聞道似輕盈好佳名也堪稱楚觀雲歸重見小
樊驚豆蔻梢頭春尙淺嬌未顧已傾城 章臺休詠
舊青青惹離情恨難平無事飛花撩亂撲旗亭不似
劉郎春草小能步步伴人行

琴趣外篇

卷五

五

青玉案

傷娉
娉

彩雲易散琉璃脆念往事心將碎只合人間十三歲
百花開盡丁香獨自結恨春風裏 小園幽檻經行
地恨春草佳名漫拋棄簇蝶羅裙休將施香殘燭燼
微風觸幔髮鬢嬌頰是

勝勝慢

家妓榮奴
既出有感

朱門深掩擺蕩春風無情鎮欲輕飛斷腸如雪撩亂
去點人衣朝來半和細雨向誰家東館西池算未肯
似桃含紅藥留待郎歸 還記章臺往事別後縱青
青似舊時垂灞岸行人多少竟折柔枝而今恨啼露

葉鎮香街拋擲因誰又爭可妒郎誇春草步步相隨

點絳脣同前

檀口星眸豔如桃李情柔惠據我心裏不肯相拋棄
只怕人猜笑又無滋味忡忡地繫人心裏一句臨
歧誓

琴趣外篇卷五

六

琴趣外篇卷五終

琴趣外篇卷六

永遇樂

贈雍宅琛奴

銀燭將殘玳筵初散依舊愁緒醉裏凝眸嬌來縱體
此意難分付憐伊只似風前輕燕好語暫來還去重
樓靜珠簾休下待掃畫梁留住 青娥皓齒雲鬢花
面見了綺羅無數只你厭厭教人竟日一點無由詠
如今拚了縈眠惹夢沒個頓身心處深誠事驂鸞解
佩是許未許

虞美人

代內

梅花時候君輕去曾寄紅牋與胡麻好種少人知正
是歸時何處誤芳期 誰教又作狂遊遠歸路楊花
滿當年不負瑣窗春老向長楸走馬更愁人

琴趣外篇

卷六

一

朝天子

酒醒情懷惡金縷褪玉肌如削寒食過卻海棠花零
落 漸日照闌干煙淡薄繡額珠簾籠畫閣春睡著
覺來失鞦韆期約

行香子

贈增輕及血

柳態纖柔雪豔疎明問人來人道輕盈張琵琶蓮臉一
寸波橫比瀟洒處猶難稱此嘉名 花前燭下微嚙
淺笑要題詩盞畔低聲司空自慣狂眼須驚也不辭
寫雙羅帶恐牽情

感皇恩

終歲憶春回西園行盡歡喜梅梢上春信去年攜手
暗約芳時還近燕來鶯又到人無準 憑誰向道流
光一瞬佳景閒無事衣褪春歸何處又對飛花難問
舊歡都未遇成新恨

臨江僊

代內

馬上忽忽聽鶯喜朦朧月淡黃昏碧羅雙扇擁朝雲
粉光先辨臉朱色怎分唇 暫別寶奩蛛網徧春風
淚汗榴裙香淺小字寄行雲纖腰非學楚寬帶爲思
君

碧牡丹

王晉卿都慰宅觀舞

院宇簾垂地銀箏雁低春水送出燈前婀娜腰肢柳

琴趣外篇

卷六

二

細步蹙香裊紅浪隨鴛履梁州緊鳳翹墜悚輕體
繡帶困風起霓裳恐非人世調促香檀困入流波生
媚上客休辭眼亂尊中翠玉階霜透羅袂

少年遊

前時相見樓頭窗畔尊酒望銀蟾如今間阻銀蟾又
滿小閣下珠簾 願得吳山山前兩長恁晚簾纖不
見樓頭嬋娟月且寂寞閉窗眠

西江月

似有如無好事多難少會幽懷流鶯過了又蟬催腸
斷碧雲天外 不寄書還可恨全無夢也堪猜秋風
吹淚上樓臺只恐朱顏便改

鳴鳩天

繡幕低低拂地垂春風何事入羅幃胡麻好種無人種正是歸時君未歸臨晚景憶當時愁心一動亂如絲夕陽芳草本無恨才子佳人空自悲

滿江紅

寄內

月上西窗書幃靜燈明又滅水漏澁銅壺香燼夜霜如雪睡眠不會通夕閉夢魂爭得連宵接念碧雲川路古來長無由越鸞釵重青絲滑羅帶緩小腰怯伊多感那更恨離傷別正是少年佳意氣漸當故里春時節歸去來莫教子規啼芳菲歇

菩薩蠻

代歌者怨

琴趣外篇

卷六

三

絲篁鬪好鶯羞巧紅檀微映燕脂小當口斂雙蛾曲中幽恨多知君憐舞袖舞要歌成就獨舞不成妍因歌舞可憐

減字木蘭花

陳履常

娉娉嫋嫋紅落東風青子小妙舞委蛇拍誤周郎卻未知花前月底誰喚分司狂御史欲語還休喚不回頭沒著羞

臨江仙

離別尋常今白首更須竹雨蕭蕭不應都占世間豪清風居士手楊柳洛城腰文字功名真自誤從今好月良宵只消憐取董嬌饒修門君自到不用我詞

招

又晁達州

見和

君似蒼崖千仞竹一枝孤映蒿蕭簞瓢不減萬鍾豪
閒情搔短髮佳句詠纖腰 罷酒蘭舟回楚柂相思
何處今宵淮南幽桂水雲饒他年春草恨應有小山
招

紫玉簫

過堯民金部四叔位見
韓相家姬輕盈所留題

羅綺叢中笙歌叢裏眼狂初認輕盈無花解比似一
鉤新月雲際初生算不虛得郎占與第一佳名卿歸
去那知有人別後牽情 襄王自是春夢休漫說東
牆事更難憑誰教慕宋要題詩會倚寶柱低聲似瑤
臺曉空暗想眾裏飛瓊餘香冷猶在小窗一到魂驚

琴趣外篇

卷六

四

鬪百草

別日常多會時常少天難曉正喜花開又愁花謝春
也似人易老慘無言念舊日朱顏清歡莫笑便萋萋
如雲霏似雨去無音耗 追想牆頭梅下門裏桃邊
名利爲伊都忘了血寫香箋淚封羅帕記三日離腸
恨攪如今事十二樓空憑誰到此情悄擬回船武陵
路杳

又

往事臨邛舊遊雅態羞重憶解賦才高好音情慧琴
裏句中暗識正當年似閬苑瓊枝朝朝相倚便滌器

何妨當壚正好鎮同比翼 誰使褰裳珮失推枕雲
歸惆悵至今遺恨積雙鯉書來大刀詩意縱章臺青
青似昔重尋事前度劉郎轉愁寂漫贏得對東風對
花歎息

鬪百花

汶妓
閨麗

小小盈盈珠翠憶得眉長眼細曾共映花低語已解
傷春情意重向溪堂臨風看舞梁州依舊照人秋水
轉更添姿媚 與問階上簸錢時節記微笑但把纖
腰向人嬌倚不見還休誰教見了厭厭還是向來情
味

又

琴趣外篇

卷六

五

臉色朝霞紅膩眼色秋波明媚雲度小釵濃鬢雲透
輕綃香臂不語凝情教人喚得回頭斜盼未知何意
百態生珠翠 低問石上鑿井何由及底微向耳邊
同心有緣千里飲散西池涼蟾正滿紗窗一語繫人
心裏

又

斜日東風深院繡幕低迷歸燕瀟酒小屏嬌面鬢
燈前初見與選筵中銀盆半折姚黃插向鳳凰釵
微笑遮紈扇 教展香衲看舞霓裳促徧紅飈翠
驚鴻乍拂秋岸柳困花慵盈盈自整羅巾須勸倒金
盞

御街行

天街月照珠簾粉鞦韆會相近繁華樂事老來慵對
酒尙憐佳景王孫年少風流應更無奈春愁悶 幽
期莫誤香閨恨羅帶今朝褪月圓花好一般春觸處
總堪乘興有人惆悵何如歸好相見憑君問

南歌子

睡起臨窗坐妝成傍砌閒春來莫捲繡簾看嫌怕東
風吹恨在眉間 鸚鵡花前弄琵琶月下彈驀然收
袖倚闌干一向思量何事點雲鬢

清平樂

寒風雁度聲向干門去也到文闈校文處也到文君

琴趣外篇

卷六

六

繡戶 背燈解帶驚魂長安此夜秋聲早是夜寒不
寐五更風雨無情

好事近

歸路苦無多正值早秋時節應是畫簾靈鵲把歸期
先說 就中風送馬蹄輕人意漸歡悅此夜醉眠無
夢任西樓斜月

洞僊歌

泗州中秋作此
絕筆之詞也

青煙幕處碧海飛金鏡永夜閒階臥桂影露涼時零
亂多少寒蟄神京遠惟有藍橋路近 水晶簾不下
雲母屏開冷浸佳人淡脂粉待都將許多明月付與
金尊投曉共流霞傾盡更攜取胡牀 南樓看玉做

人間素秋千頃

琴趣外篇 卷六

七

琴趣外篇卷六 終

琴趣外篇六卷宋左朝奉祕書省著作郎充祕閣校
理國史編修官濟北晁補之无咎長短句也其所爲
詩文凡七十卷自名雞肋集惟詩餘不入集中故云
外篇昔年見吳門鈔本混入趙文寶諸詞亦名琴趣
外篇蓋書賈射利眩人耳目最爲可恨余已釐正介
庵詞辨之詳矣无咎雖遊戲小詞不作綺豔語殆因
法秀禪師諄諄戒山谷老人不敢以筆墨勸淫邪大
觀四年卒于泗州官舍自畫山水留春堂大屏上題
云胸中正可吞雲夢賤底何妨對聖賢有意清秋入
衡霍爲君無盡寫江天又詠洞仙歌一闕遂絕筆不
知何故逸去今依花庵詞客附諸末幅古虞毛晉識

琴趣外篇跋

烘堂詞

目錄

西江月 一調

念奴嬌 一調

鵲橋仙 一調

柳梢青 二調

謁金門 三調

浣溪紗 一調

賀新郎 一調

菩薩蠻 一調

好事近 一調

木蘭花 一調

畫堂春 一調

臨江仙 一調

踏莎行 一調

杏花天 一調

水調歌頭 一調

鷓鴣天 一調

菩薩蠻 一調

踏莎行 一調

烘堂詞目錄

賀新郎 一調

水調歌頭 一調

武陵春 一調

朝中措 一調

小重山 一調

玉團兒 一調

醉蓬萊 一調

一翦梅 一調

滿江紅 一調

水調歌頭 一調

清平樂 一調

念奴嬌 二調

瑞鷓鴣 一調

武陵春 一調

鷓鴣天 一調

驀山溪 二調

減字木蘭花 一調

滿江紅 一調

踏莎行 一調

蝶戀花 一調

點絳脣 一調

訴衷情 一調

念奴嬌 一調

冉冉雲 一調

減字木蘭花 一調

鷓鴣天 一調

水龍吟 一調

柳梢青 一調

少年遊 一調

漢宮春 一調

多麗 一調

滿江紅 一調

蝶戀花 一調

水調歌頭 一調

滿江紅 一調

訴衷情 一調

浣溪沙 一調

清平樂 一調

菩薩蠻 一調

烘堂詞目錄 終

烘堂詞目錄

二

烘堂詞

宋 盧炳

西江月

殘雪猶餘遠嶺晚煙半隱寒林溶溶春漲綠波深時
有漁人釣艇 倚岸野梅墜粉蘸溪宮柳搖金凭闌
凝出酒初醒料得誰知此景

念奴嬌

晚天清楚掃太虛纖翳涼生江曲四顧青冥天地闊
惟有殘霞孤鶩山氣凝藍汀煙引素疎疎浮羣木白
蘋風定波澄萬頃寒玉 時有一葉漁舟收綸垂釣
來往何幽獨短髮蕭蕭襟袖冷便覺都無裨溽曳杖

烘堂詞

一

歸來夜深人悄月照鱗鱗屋藤牀一枕迥然清夢無
俗

鵲橋仙

夕七

餘霞散綺明河翻雪隱隱鵲橋初結牛郎織女兩逢
迎勝卻人間歡悅 一宵相會經年離別此語真成
浪說細思怎得似嫦娥解獨宿廣寒宮闕

柳梢青

蘭蕙心情海棠韻度楊柳腰肢步穩金蓮手織春筍
膚似凝脂 歌聲舞態都宜揜著箇堅心共伊無奈
相思帶圍寬盡說與教知

又
梅

雅淡精神鉛黃未洗猶帶殘妝春豔一枝鵝兒顏色
染就纖裳 月移影轉南窗特地送些兒暗香宿酒
初醒這般滋味夢斷池塘

謁金門

春寂寂節物又催寒食樓上捲簾雙燕入斷魂愁似
織 門外雨餘風急滿地落英紅溼好夢驚回無處
覓天溼芳草碧

又

春事寂苦筍鮒魚初食風捲繡簾飛絮入柳絲縈似
織 迅速韶光去急過雨綠陰尤溼回首舊遊何處
覓遠山空出碧

烘堂詞

又

送容

門巷寂梅豆微酸怯食別恨縈心愁易入寸腸如網
織 去櫓咿啞聲急淚滴春衫輕溼尺素待憑魚雁
覓遠煙凝處碧

浣溪紗

水閣無塵午晝長薰風十里藕花香一番疎雨釀微
涼 旋點新茶消睡思不將醺醪惱詩腸闌干倚徧
挹湖光

賀新郎

綠徧芳郊未早紅褪香乾堪歎韶華瞬目薄倖東皇
緣底事得恁匆匆去速正永日初長晴淑尤憶夜來

成夢處記分明渾似瑤臺宿人語靜燕雙逐 紗窗
一炷沈煙馥淋漓浪劇飲高枕春醒草屋無計留春
添悵望空寫新詞疊幅算負卻照啟畫燭欲說縈心
些箇事恐教人蹙損眉峰綠慵倚徧畫闌曲

菩薩蠻

和韻

夢回小枕歎寒玉博山香暖沈煙續帷薄怯輕紗風
牽幌帶斜 夜窗雲影細月送花陰至身世在陶唐
閑愁不掛腸

好事近

庭院欲昏黃秋思惱人情亂寶瑟試彈新曲更與誰
同伴 陽臺魂夢杳無踪奴住巫山畔不似楚襄雲

烘堂詞

三

雨渾輸他一半

減字木蘭花

傳消息咫尺還如千里隔欲見無由惹起新愁與
舊愁 情懷如醉欹枕連宵終不寐無奈相思此恨
憑誰說與伊

畫堂春

輕紅桃杏鬪嬌妍曉來葱蒨祥煙靄旌絳節下雲天
行地神仙 盛事頻封錦誥歌聲齊勸金蓮從教滄
海變桑田富貴長年

臨江仙

壽老人

弱水蓬萊眞勝地祥煙閃爍霓旌瑤池籟會下雲輶

康寧新喜事淑善舊家聲
戲綵捧觴眞樂事蟠桃
獻壽千春從今更願子孫榮
加恩封錦誥學道誦黃
庭

踏莎行

秋色人家夕陽洲渚西風催過黃華渡江煙引素忽
飛來水禽破暝雙雙去
奔走紅塵棲遲羈旅斷腸
猶憶江南句白雲低處雁回峰明朝便踏瀟湘路

杏花天

鑿冰翦玉工夫費做六出飛花亂墜舞風情態誰相
似算只有江梅可比
極目處瓊瑤萬里海天闊清
寒似水從教高捲珠簾□□□□□□□□

烘堂詞

四

水調歌頭

題蒲圻景星亭上慕容字

華亭新偉觀勝地得高雄
凭闌徙倚要眇萬里景無
窮好是江流縈繞那更雲天舒闊
壘嶂倚晴空眼界無盡藏
懷抱有清風
主人賢開綺席泛金鐘
放懷一笑許我滿酌醉顏紅
祇恐重書卽下促起飛鳧東
去行作黑頭公還記今朝客
曾待一杯全

鷓鴣天

初過清明春晝長紫紅香霧藹華堂
朱顏阿母逢生日綵戲兒孫捧壽觴
齊祝頌喜平康天教兩鬢正
蒼蒼壺中日月應長久
笑看蟠桃幾度芳

菩薩蠻

石榴裙束纖腰裊金蓮穩襯弓靴小嬌駸口羞人愈
低遮半身 思情如紙薄方信當初錯邂逅苦匆匆
還疑是夢中

踏莎行

雅淡容儀溫柔情性偏伊賦得多風韻明眸翦出玉
爲肌鳳鞋弓小金蓮襯 相見雖頻歡娛無定蠻牋
寫了憑誰問堅心好事有成時須教人道都相稱

賀新郎

池館閑凝目有玉人向晚妖嬈洗妝梳束雅淡容儀
妃子樣羞使胭脂點觸瑩冰雪精神難掬好是月明
微露下似晚涼初向清泉浴好對我笑羞縮 好風

烘堂詞

五

拂面渾無俗更撩人清興異香芬馥惹起新愁無著
處細與端相未足俏不忍遊蜂飛撲可惜伊家嬌媚
態問天公底事教幽獨待拉向錦屏曲

水調歌頭

風馭過姑射雲珮挹浮邱丁靈月姊爲我澄霽一天
秋盡展冰奩玉鑑要看瑤臺銀闕萬里冷光浮分與
世間景好在水邊樓 想霓裳呈妙舞起清謳藍橋
何處試尋玉杵恣追遊擬待鉛霜擣就緩引瓊漿沈
醉誰信是良籌長嘯跨鯨背不必願封留

武陵春

廣何顯夫
小舟有景

紅荻黃蘆秋已老妝點楚江頭更有吳姬撥小橈來

往自妖嬈 款款艤舟臨別岸短纜繫花梢料得前
身是莫愁依舊有風流

朝中措

曉來天氣十分涼時候近重陽村落人家瀟灑籬菊
有芬芳 年來漸覺詩腸愈窄酒量偏狂好景不須
放過何妨一醉千觴

小重山

一見情懷便雅投尊前成密約意綢繆已成行計理
歸舟空相憶無計爲伊留 執別話離愁縈牽滋味
惡在心頭而今無奈阻歡遊些子事此恨兩悠悠

玉團兒

用周美成韻

燕堂詞

六

綠雲慢縮新梳束這標致諸餘不俗邂逅相逢情懷
雅合全似深熟 耳邊笑語論心曲把不定紅生臉
肉若得同歡共伊偕老心事忒足

醉蓬萊

上南安太守庚戌正月

正春回紫陌靄飛浮暖風輕扇皓月初圓覺嚴城
寒淺綵絲結鰲山紗籠銀燭與花爭豔午夜融和紅蓮
萬頃一齊開徧 訟簡民熙使君行樂簇擁朱輪旌
旗輝煥鼎沸笙歌遏行雲不散咫尺泥封促朝天陛
侍玉皇香案來歲元宵龍燈影裏金杯宜勸

一翦梅

元宵

燈火樓臺萬斛蓮千門喜笑素月嬋娟幾多急筦與

繁絃巷陌駢闐畢獻芳筵 樂與民偕五馬賢綺羅
叢裏一簇神仙傳柑雅宴約明年盡夕留連滿汎金
船

滿江紅

碧眼眞仙算元住蓬萊宮裏記當日等閑跨鶴人間
游戲要把忠勳扶帝業更將姓字聯宗系擁朱輪特
地爲萬民來詩書帥 千里地都和氣十萬戶生歡
喜祝黃堂眉壽歌謠鼎沸莫惜春醅供燕豆便承芝
檢朝天陛看雲屏隔坐並貂蟬雙清貴

水調歌頭

上沈倅

再拜識英度喜氣覺飛浮神清骨秀元是蓬萊謫仙

烘堂詞

七

流盞去冲摩霄漢剛向平分風月半刺嶺南州素蘊
未施展闊步尙淹留 從此去朝帝關侍宸旒論思
獻替要須直與古人侔好是羽儀朝著勒就鼎彝勳
業卻伴赤松遊曳杖太湖曲笑傲八千秋

清平樂

木犀

琉璃翦葉點綴黃金屑雅淡幽姿風味別翠影婆娑
弄月 秋光占斷江南清香鼻觀先參一朵折來和
露烏雲髻伴斜簪

念奴嬌

白蓮呈羅敘黃法

鑿開方沼問何人種玉工夫奇絕幻出瀛洲有十萬
水仙羅列風曳瓊裾露零珠珮天上人裝結君看炎

夏墮來何處冰雪 我來對此涼生紅塵飛盡卻笑
卻波襪最愛幽姿能雅淡自蓄芳馨孤潔挹取天漿
喚將空籟齊作清歌發不知塵世晃然身在瑤闕

又

碧池如染把玻璃盞就織埃都絕西園夫人空裏墜
圓蓋亭亭排列瑩質無瑕塵心不染遠社堪重結當
時盛事虎溪茗盤翻雪 千載此意誰論人爭買笑
醉眼看羅襪坐上如今皆我輩素蘊從來蠲潔擊節
臨風停杯對月浩氣俱英發兩翁仙舉玉堂正在金
闕

又

烘堂詞

八

好風明月共芙蓉占作人間三絕試問千花還敢與
英姿同列一曲千鍾凌雲長嘯舒放愁腸結人生易
老莫教雙鬢添雪 回首蠅利蝸名微官多誤自笑
塵生襪爭似玉人真嫵媚表裏冰壺明潔露下寒生
參橫斗轉又聽胡笳發夜闌人靜一聲清透雲闕

瑞鷓鴣

除夜依逆旅主人
寒雨不止夜酌

客裏驚嗟又歲除蕭蕭寒雨滴茅廬山深溪轉泉聲
碎夜永風搖燭影孤 冷甚只多燒木葉詩成無處
寫桃符強酬節物聊清酌今歲屠蘇自取疎

武陵春

舟行三衢間江干梅盛開
爲風雨所妨賦此以惜之

常記江南春欲到消息付南枝疎影橫斜照水時月

淡暗香遲 可惜江頭千樹玉
兩暗更風欺傳語東
君管領伊憔悴有誰知

鷓鴣天

席上
戲作

秋月明眸雨鬢濃
衫兒貼體縐輕紅
清聲宛轉歌全
纒纖手殷勤捧玉鍾
嬌姪姘語惺鬆
酒香沸沸透
羞容劉郎莫恨相逢
晚且喜桃源路已通

驀山溪

淡妝西子怎比西湖好
南北兩長隄有罨畫樓臺多
少翠光千頃一片淨琉璃
泛蘭舟搖畫槳盡日金尊
倒 名園精舍總被遊人到
年少與佳人共攜手嬉
遊歌笑夕陽西下沈醉盡歸來
鞭寶馬鬪竿隨簇著

烘堂詞

九

花藤轎

又

與何遂
夫爲壽

韶華七換阻慶生申旦
今日向高堂載卮酒爲君滿
勸繡簾低掛瑞靄口香濃倩
雙娥敲象板緩緩歌珠
貫 芝蘭挺秀俱是皇家彥
只這一般奇見方寸平
生積善幾多厚德天錫與
遐齡鬢長青顏不老日月
開華宴

減字木蘭花

莎衫筠笠正是村村農務急
綠水千畦慚愧秧針出
得齊 風斜雨細麥欲黃
時寒又至饑婦耕夫畫作
今年稔歲圖

滿江紅 送趙李行

起金壇

積雨連朝添新漲一篙春碧寒猶在東風柳絲
無力繫惹畫船都不住從教蘭棹雙飛急江
去欲何之瓜期迫 龍鍾裔神仙伯全閨彥文章
算河陽花縣恁生留得製錦才高書善最鳴琴
化洽人懽憚想未容坐暖詔歸來君王側

踏莎行

過黃花渡沽白
酒因成呈天休

獵獵霜風濛濛曉霧歸來喜踏江南路千林翠幄半
紅黃試看青女工夫做 茅舍疎籬竹邊低戶誰家
酒滴眞珠露旋酹一釀破清寒趁晴同過黃花渡

蝶戀花

和彭字
先韻

烘堂詞

十

滿架冰蕤開徧了試問花神留得春多少清勝荀香
嬌韻好謝庭風月應難到 酒釀新醅名不老醉倒
花前眞箇無煩惱滿座清歡供一笑春醒拚卻明窗
曉

點絳脣

過眼溪山向來都是經行處驂鸞人去冷落吹簫侶
小立江亭愁對蒹葭浦無情緒酒杯慵舉閑看江
楓舞

訴衷情

無端風雨送清秋天氣冷颼颼行人先自離索直是
不禁愁 思往事憶前遊淚難收重陽近也黃花依

舊誰伴清風

念奴嬌

上巳太守待同
官曲水園因成

快風收雨正江城初霽物華如許麗日融和春思好
是處鶯啼燕語嫩綠成陰落紅堆繡只恐春將暮園
林清晝看看又見飛絮太守無限風流鈴齋多暇
載酒郊原路幾隊旌旗光閃爍鼓吹更翻新譜曲水
流觴蘭亭修禊俯仰成今古爲君一醉歸時樓上初
鼓

冉冉雲

牡丹盛開留同
官小飲賦此

雨洗千紅又春晚留牡丹倚闌初綻嬌姪姘偏賦精
神君看算費盡工夫點染帶露天香最清遠太眞

烘堂詞

十一

妃院妝體段拚對花滿把流霞頻勸怕逐東風零亂

減字木蘭花

詠梅呈
萬敘

冰姿雪豔天賦精神偏冷淡惟有清香何遜揚州暗
斷腸孤芳好處消得騷人題妙句被散寒枝未必
生綃畫得宜

鷓鴣天

題廣文官舍竹
外梅花呈萬敘

閣雨浮雲寒尙輕商量雪意未全成莫嫌竹外蕭然
處忽有幽香透鼻清詩興逸酒魂醒主人留客更
多情不辭滿引成癡客且爲梅花醉一觥

水龍吟

賡韻
中秋

晚晴一碧天如水風約塵埃都掃素娥睡起玉輪穩

駕初離海表碾破秋雲湧成銀闕光欺南斗想廣寒
宮裏風流女伴應都把仙歌奏 夜永風生悄悄耀
冰雪寒侵重嶠今宵休道從來此夕陰多晴少坐久
更深露冷襟袖不禁清曉更天風吹下桂香拂袂想
蟠根老

梅梢青

冬月海棠

笑菊欺梅嫌蜂卻蝶壓盡寒萼月下精神醉時風韻
紅透香腮 天工造化難猜甚怪我愁眉未開故遣
名花凌霜帶露先送春來

少年遊

用周美成韻

繡羅襖子間金絲打扮好容儀曉雪明肌秋波入鬢
烘堂詞

七

鞋小步行蓮 冠兒時樣都相稱花插棟雙枝倩俏
精神風流情態惟有粉郎知

漢宮春

向暖南枝最是他瀟灑先帶春回因何事向歲晚攙
占花魁天公著意安排巧特地教開知道是仙翁誕
節瓊英要泛金杯 人學壽陽妝面正梁州初按羯
鼓聲催年年此花開後宴啟蓬萊朱顏不老算難教
綠野徘徊消息好行看父子和羹鼎隴鹽梅

多麗

壽邵郎中

慶佳辰熊羆協夢生申記當年曾遊月殿笑談高躍
龍津德彌高源流孔孟才迥出黼黻卿雲亟步華塗

蜚聲騰茂姓名端的簡楓宸最好是雍容蘭省直道
事吾君還知否承明倦直來撫斯民 算人生五馬
最貴朱旛畫戟行春訟庭清祥風和暢鈴齋靜佳氣
氤氳壽宴香濃梅繁柳嫩年年今日勸芳尊須信道
朱顏不老眉壽等松椿從茲去袞衣特立廊廟經綸

滿江紅

賀趙縣丞

媚景良時無非是三春富貴花共柳著工夫染嫩紅
輕翠日麗風和薰協氣鶯吟燕舞皆歡意況生辰恰
恰值清明笙歌沸 分天派眞龍裔到月殿攀仙桂
看眉間黃色詔書將至莫向藍田分佐理便趨紫禁
參朝對問玉皇仙籍注長生三千歲

烘堂詞

三

蝶戀花

和人探梅

羅幕護寒遮曉霧愛日烘晴又是廿年華暮瀟灑江
梅爭欲吐暗香漏泄春來處 何日尋芳溪畔路挈
榼攜筇寫景論心素千里相逢眞會遇羨君解道江
南句

水調歌頭

富貴本何物底用苦趨奔都爲造物娛弄人事覆來
翻須索高擡目力觀破祇同兒戲不必更重論但願
吾長健贏得日加殮 衣輕裘乘駟馬駕高軒算來
榮耀終輸漁叟釣江村休歎謀身太拙未必折腰便
是炙手幾會溫清議不可辱千古要長存

滿江紅

罨畫池亭對十萬盈盈粉面依翠蓋臨風一曲霓裳
舞徧亭上人如蓬鳥客座中別有飛瓊伴占世間風
月最清涼宜開宴 當盛旦歌喉嚙齊祝壽金尊勸
算才華合侍玉皇香案處事從來堅特操立朝更要
持公論使他時臺閣振風聲朝天睨

訴衷情

柴扉人寂草生畦藤蔓亂縈籬秋淨楚天如水雲葉
度牆低 同把盞且伸眉對殘暉紅茱笑撚黃菊斜
簪戀飲忘歸

浣溪沙

烘堂詞

十四

常記京華昔浪遊青羅買笑萬金酬醉中曾此當貂
裘 自恨山翁今老矣惜花心性慢風流清尊獨酌
更何愁

清平樂

方池小小風摺玻璃瓌皺數朵荷花開更好把住薰風
一笑 芳容淡注胭脂亭亭翠蓋相依只欠一雙鷗
鷗便如畫底屏帷

菩薩蠻

用周美成韻

而今怕聽相思曲多情蹙損眉峰綠惜別上扁舟望
窮江際樓 蠻牋封了發爲憶人如雪離恨寫教看
休令盟約寒

洪堂詞終

洪堂詞

五

盧炳字叔陽自號醜齋多與同官唱和詞中喜用僻
字如神滹皴敲襖子之類異花幽鳥雖屬小品亦自
可人共六十餘調長于描寫合人生畫思昔陳去非
見顏持約畫梅題詩云窗前光景晚清新半幅溪籬
萬里春從此不貪江路遠勝拚心力喚真真又云奪
得斜枝不放歸倚窗乘月看熹微墨池雪嶺春俱好
付與詩人說是非一時賞識家謂詩中有畫若烘堂
可謂詞中有畫矣古虞毛晉識

烘堂詞跋

10392

